

ТИББИЁТДА ҚЎЛЛАНИЛИШИГА ДОИР ЙЎРИҚНОМА СПАЗИН

Препаратнинг савдо номи: Спазин

Таъсир этувчи модда (ХПН): дротаверин (дротаверин гидрохлориди шаклида)

Дори шакли: инъекция учун эритма

Таркиби:

1 ампула қуйидагиларни сақлайди:

фаол модда: дротаверин гидрохлориди – 40 мг

ёрдамчи моддалар: натрий метабисульфити, 96% ли этил спирти, инъекция учун сув 2 мл гача

Таърифи: оч-сарик рангли яшил тусли тиник суюқлик

Фармакотерапевтик гуруҳи. спазмолитик восита

АТХ коди: A03AD02

Фармакологик хусусиятлари.

Миотроп спазмолитикдир. Кимёвий тузилиши ва фармакологик хусусиятлари бўйича папаверинга яқин, аммо кучлироқ ва давомли таъсирга эга. Силлиқ мушак хужайраларига кальций ионларини келиб тушишини сусайтиради (фосфодиэстеразани ингибиция қилади, бу хужайра ичида цАМФнинг йиғилишига олиб келади). Ички аъзоларнинг силлиқ мушакларини ва ичак перисталтикасини сусайтиради ва қон томирларини кенгайтиради. Вегетатив нерв тизими ва марказий нерв тизимига таъсир кўрсатмайди.

Фармакокинетикаси

Парентерал мушак ичига юборилганда дротавериннинг қон плазмасидан ярим чиқарилиш даври ($T_{1/2}$) – 10 - 12 соатни ташкил этади, модданинг амалда тўлиқ элиминацияси 72 соат давомида аниқланади. Марказий нерв тизими, ёғ тўқимаси, миокард, буйрак ва ўпкада юқори концентрацияларда, энг паст концентрациялари жигарда ва меъдада тўпланади. Плазма оқсиллари билан боғланиши – 95 – 98% ни ташкил этади. Сийдикда ва сафро орқали эса глюкурон кислотаси билан конъюгат кўринишида (89 -99%), оз қисми сульфат конъюгатлар шаклида чиқарилади. Парентал юборилганда препаратнинг таъсири 2-4 минутдан кейин намоён қилади. Максимал самара 30 минутдан кейин бошланади.

Қўлланилиши

Сурункали гастродуоденит, сурункали холецистит, сурункали холелитиазда, постхолецистэктомия синдромида, меъда ва 12 бармоқ ичак яра касаллигида, кардио ва пилороспазмда, спастик колитдаги силлиқ мушакларни спазми: периферик артериал қон томирлар спазмида, бош мия томирларини спазмида, буйрак санчигида, альгодисменорея, туғруқларда қисқарган бачадонни кучсизланишида ва бачадон бўйнининг спазмини бартафат этиш учун ҳамда инструментал текширишларни ўтказишда қўлланади.

Қўллаш усули ва дозалари

Катталарда мушак ичига (м/и) ва вена ичига (в/и) қўлланади. Одатда м/и юборилганда суткалик доза 1-3 марта 40-240 мг (2-12 мл) ни ташкил қилади. Жигар ёки буйрак санчикларида препаратнинг 2-4 мл (40-80 мг) ни в/и секин юбориш тавсия этилади.

Физиологик туғруқларда бачадоннинг бўйнини очилиш фазасини қисқартириш учун тортиб олиш даврining бошида – м/и 40 мг юборилади. Агар бу доза самарасиз бўлса, 2 соатдан кейин яна 40мг препарат юборилади.

Ножўя таъсирлари

Бош айланиши, юрак уриши, артериал босимни пасайиши, қизиб кетиш ҳисси, кўп терининг, тери аллергик реакциялари. в/и юборилганда – коллапс, АВ-блокада, аритмиялар, нафас марказини сусайиши.

Қўллаш мумкин бўлмаган ҳолатлар

Препарат компонентларига юқори индивидуал сезувчанлик, яққол жигар, буйрак, юрак етишмовчилиги, II – III даражадаги АВ блокада, кардиоген шок, артериал гипотензияда қўллаш мумкин эмас.

Эҳтиёткорлик билан коронар артерияларнинг оғир атеросклерози, простата безининг гиперплазияси, глаукома, хомиладорлик ва лактация даврида, 6 ёшгача бўлган болаларда эҳтиёткорлик билан қўллаш лозим.

Дориларнинг ўзаро таъсири

Бошқа спазмолитикларнинг самарасини кучайтиради, трициклик антидепрессантлар, хинидин, новокаинамиднинг таъсири оқибатидаги артериал гипотензияни кучайтиради. Морфиннинг спазмоген фаоллигини ва леводопанинг паркинсонизмга қарши таъсирини камайтиради. Фенобарбитал спазмни ишончли бартараф этиш имконини оширади.

Махсус кўрсатмалар

Парентал юборилгандан (айниқса в/и) кейин автотранспортни бошқариш ёки бошқа механизмлар билан ишладан 1 соат мобайнида сақланиш лозим, в/и юборилганида бемор горизонтал ҳолатда бўлиши керак.

Дозани ошириб юборилиши

Симптомлар: АВ блокада, юракни тўхтаб қолиши, нафас марказининг фалажи.

Даволаш: симптоматик.

Чиқарилиш шакли

40 мг/2 мл-инъекция учун эритма ампулаларда

Сақлаш шароити.

Ёруғликдан ҳимояланган жойда, 25°C дан юқори бўлмаган ҳароратида сақлансин

Болалар ололмайдиган жойда сақлансин.

Яроқлилиқ муддати

2 йил.

Яроқлилиқ муддати ўтгач қўлланилмасин.

Дорихоналардан бериш тартиби

Рецепт бўйича.

Ишлаб чиқарувчи:

МЧЖ "UZGERMED PHARM" ҚҚ

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили:

МЧЖ "UZGERMED PHARM" ҚҚ,

Ўзбекистон Республикаси, Тошкент вил., Юқори-чирчиқ тумани, Барданкўл посёлкаси.

Тел.: (99895) 515-33-22, факс: (8370) 983-62-62.

Электрон манзили: info@ugr.uz, веб-сайт: www.ugr.uz